

梅亭四六標準

庫文閣内	
函架	漢書 特四十二類 一七四二號 一九冊

合十

内閣文庫	
番號	漢 11742
冊數	19(17)
函號	3 5



国立公文書館
National Archives of Japan

原本の文字など不明瞭な個所があります。


梅亭先生四六標準卷之三十三

宰

通寧鄉周知縣

塚

絃歌愛人願效縣公之役會計試吏冒干簿正之
供是非尋常之託根請裁四六而張本恭惟某官
人門具美天分素高家聲早著於魁三世德不專
於爵一安劉必勃破操在瑜學配前聞肯俯貪於
蝸蚓律設大法謂徑掣於鯨鯢居然婆娑尚此盤
礴得非堅車大艦利用遠遊寧有巨棟脩梁驟堪
轉致頗聞三異且見一同非百里材姑繞蟻封而



試馬爲萬乘器會扛龍鼎以函牛長沙令之讀五
車綴班雖晚洛陽生之對半夜趣召可期某學不
踰人飢來驅我舌乏長裾之飛譽姑從矮屋以立
身先達者爲之前定包荒於後輩大事則從其長
足藏拙於小官冒然而來恃此不恐人果不可無
勢豈矜駕御之能士安得獨自高尚假比隣之庇

通崇仁曾宰

穎秀

曉行湘水我方尋欵乃之歌春靜巴山君來賦爲
于之曲非鈎魴之厚味漫致鯉於長鬚恭惟某官
忠恕家傳倫魁世業恢恢游刃如錐之處囊中在

在影纓皆羅而致幙下適通玉籍屈縮銅章願避
譚公之維私不云贛水之可厲維寶唐之禰邑固
麻谷之舊邦錦製此來綉行甚寵改邑不改井易
地則然有土此有財得人焉耳奉潘輿其孔迓馳
魏闕以非遙某兩鬢白紛隻身墨隱昨班文石不
能誨館下之諸生今戍武岡幸不失黔中之上佐
出書尚遲於三日受滕願託於一墨操韓子赤縣
之權晉妾干於薄少荒鄭虔蒼苔之屋尚見芘其
歸來

代回常安曹宰

輔世

不稼取禾我謾持於漢橐及瓜代成公已趣於曹
裝一介惠然雙鱗厚甚恭惟某官百里爲令三年
有成不求赫赫之名見思所去雖聽鼙鼙之鼓有
挽無推交章翕然增秩近只佇公侯之必復豈州
縣之徒勞某骯髒雲司超騰水部會且歸矣不當
戀仗馬之芻行或使之猶復見飛鳧之舄

回武岡許縣令

大用

強顏貳郡慙非典午之材箝尾爲僚喜有同寅之
幸曾修辭之未暇辱垂問之相先恭惟某官精神
五兵肝膽一劔積月書於右序已播英聲奉天對
於左廬更登峻級方西北二邊之未靖何東南一
尉之足淹行矣章交亟其王覲某無能教胄願使
轉丞雙鯉得尺素書良勤垂念從一騎蹕五百里
即遂承顏

回武岡薛縣令

仲庶

聞三鳳之聲未皇識面聽雙鳧之舄良喜足音尺
書惠然三復感甚恭惟某官材優世用學贍家傳
蚤安枳棘之棲簿爲之兆繼領桁揚之寄民自不
冤亟爲製錦之謀可見鳴弦之志惟此黔巫之鄙
異乎江浙之間下若牛馬上若熊羆從昔少人而

多石大不鯨鯢。小不虺蜮。乃可宣化而承流。公行
勿違民望。攸屬某。淒涼半刺。僥倖同寮。欸乃一聲
定樂。薛存義之至。統如五鼓。幸端鄧伯道之來。忻
幸良多。敷宣罔既。

回綏寧野令 杓

滌離霧隱。出宰雷封。維今巫水之磻。雖云巖邑在
昔夫夷之長。固有聞人恭惟某官。闕里故家。良弓
宿學。三仕爲令。從知學製之精。萬里封侯。行見弃
繻之勇。茲來蒔竹。已及戍瓜。下若牛馬上。若熊羆
飽看竒壯。大不鯨鯢。小不虺蜮。正藉撫摩。某典午
非材。同寅有幸。許丞重聽。猶能聞欸。乃之一鼓。鄧
侯肯來。諒不俟統。如之五鼓。

回武岡許令

教胄本朝。久歸來於茅屋。負丞支郡。偶及代於瓜
期。夙聞戍削之標。將托寅恭之契。未皇注記。先辱
撝謙。伏惟某官。氣稟沉雄。性資果毅。對擒胡之月
盍策勲名。戴作孫之星。碩勞撫字。佇民庸之入奏。
承天寵以遄歸。某倚席不材。題輿非據。貳部長縣
固胥齒之相依。體國愛民。願腹心之無隱。

代回丹徒姚知縣

宰山水之縣知在近郊聞弦歌之聲未瞻遠器敢
圖往記施及汎負恭惟某官籍甚人門歸然地望
善刀出匣其孰嬰紫電之鋒結綬登畿碩斜取青
雲之勢多景誰如於北固辦香寧舍於南豐改云
茲操權於赤縣姑歛惠於黔氓繭絲乎保障乎定
知緩急魴魚也陽橋也決有後先雙鳧之鳥翩然
五鳳之醜近止某畫墁無補巢幕奚為望金堂石
室之間無因而至感綉段瓊英之贈藏之為榮

代回江陰何宰

處博

送紙上之軒昂皆我輩語就暗中而摸索之

家有味其言不知所賀恭惟某官人門具美天分
仍高日食萬錢盡追隨於伯父地方百里何局促
於子男聊繼益昌之功名即見中牟之除寵某日
之夕矣人謂斯何乘輿而來漸有回舡之意同姓
為近空餘推轂之情

回成都呂知縣

大全

箝尾青油之幕那暇笑談傾心赤縣之官鼎來材
傑聞鳧鳧之近只得書鯉而躍然恭惟某官渭釣
名家蜀珍粹望恢乎遊刃豈難解盤錯之根飛不
盡翰殆欲培扶搖之翼盍班玉筍頤擁壁浦士元

非百里之材便應別駕成都有萬事之好是在長
官錦製奏功綵緘入覲其全提迂拙冒涉險艱舍
嵩印一室之書無能為役投成華兩縣之間何處
有詩

代回新昌詹宰

繼

孤鶴重來恍難尋於舊侶雙鳧西望猶未廢於故
情相贈以言足華其老恭惟某官早持雋望見謂
通材學道愛人固自不妨割雞之用治中別駕亦
何足為展驥之謀種桃李於春風接蓬萊之雲氣
去天尺五孰云多而不揚擊水三千願少安之無
躁某崦岷日薄嶰谷地寒簪筆甘泉聊為覆蕉而
尋夢挂冠神武豈須叢桂之移文

代回趙萍鄉

彥達

名駒千里夙聞佳公子之聲烹鯉尺書未忘舊令
尹之好方當執熱如對調冰恭惟某官遠汎天潢
早梯月窟卓犖千萬人之敵足亢磐石之宗低回
三十載之間始入金閨之籍楚萍如斗陶柳皆春
不惟吏泗而民咷料亦庭空而旅實尔袁得游庠
序又見賢君天使亦好官負恐成故事某自慙揚
糝安有憇棠老鶴乘軒可笑翅翎之短飛鴻踏雪

空驚拍瓜之留

代月湖回吳宰困

振履光臨屬辭寵賁靖共正直得之眉宇之間雅
健雄深粲然毫楮之上君言雖過我心則降恭惟
某官敏手決科洗心從政盤根而別利器游刃若
然促柱則少和聲鳴絃自若頗聞鑊湯茗椀之句
仍見髯翁稚子之詩已窺一斑復尋尺素六察六
院本以待邑最之來三沐三熏決不在時材之下
某過勤委重莫可報嘉逢人而說項斯當無回隱
作書而見子布徒取嘲嗤

回鹽官林知縣申

懷赤縣之章聞將引綬依綠水之幕行或望塵未
遑名姓之通猥沐緘滕之寵恭惟某官風猷膚敏
業履端溫杞梓之材異材是宜作室瑚璉之器何
器而使在山板輿欲覽於王畿蒲壁故來於京邑
切聞潮浪頗蝕邑封必欲種河陽之花不若撻淇
園之竹行觀驅鱉亟遂飛鳧某贊畫非材底寮有
幸癡公事未了也正懼瘵官新令尹仁矣乎當期
做誨

回李知縣

庭可雀羅辱再三之相遇門無鳳字有四六之見
貽委重良多報嘉不腆恭惟某官器資肅括才具
碩膚祭彤方果於鉏姦即墨遽從而造毀令尹無
愠色亟歌歸去之詞童子有仁心迄動巡行之歎
再試巖邑四達通衢人疑故步之迷君若新硎之
發吏才如此難逃六察六院之除公論則然何假
一話一言之贊某緬懷先德幸接後塵力足爲器足
施非所求於我也問則告疑則辯敢有吝於公哉

代回俞知縣

剡升陟之章真成備數鳴謙撝之德更費屬辭受
之過情謝若爲語恭惟某官槐根之芷蘭茁其芽
窮武陵之源吾爲尔宰歌滄浪之水清畏人知意
有雉馴可無鷄薦某過勤四六嘉歎再三雖則七
襄覺成章之匪報儉於百里願賦政之又新

代回弋陽曾知縣

換

刺手拔鯨欠丁官之下取長鬚致鯉與甲藁以借
來不謂垂橐而歸將有埒國之富恭惟某官汲古
得綆績文有機夜雨聽阿房之篇英詞偉甚春風
接曲江之席舊夢瞭然謂已古駕於蓬萊乃猶讀
書於松桂古風一覽恍今日之未聞大冊載觀尤

三四十八
小生之所畏贈我綉段多矣期君蟠桃可乎某何
與斯文亦聿旣耄角巾東路諒無煩閔尹之迎辦
香南豐請歸爲宗派之賀

代回餘姚趙知縣

希祐

聞武城之弦居多遠韻剡公車之牘輒及通材嘗
試言之無可謝者恭惟某官月題千里風翻九霄
鯉趨過庭早有聞於夫子虎拜稽首將是似於召
公觀其製錦之操刀足可衣綉而持斧參諸衆見
僭以名聞蓋欲備良師帥之儲非止託賢父兄之
契某重蒙四六熟復再三舉之愛莫助之更期進

德老矣無能爲矣何敢獻諛

代回長沙楊宰

宜中

不鄙雀門見迂鳧鳥特枉咫尺書之教仍惠二百
篇之詩拜賜便蕃滿心銜戰恭惟某官清材汲古
奧識洞今作賦摩空阿房之摺笏已晚聞弦莞笑
長沙之短袖難旋禹稷用心固已失薛郇蘇郭之
輩孔顏素學猶不廢房杜王魏之流至於佳句之
耽更覺良工之苦取數多矣受言藏之此士落江
湖宜爲時出諸公登臺省會以名聞某何與斯文
亦聿旣耄龍鍾韓子低頭負東野之慙刻畫無塩

捧心漫西施之學

代回當陽林宰 鑑

老夫耄矣曳履可慚令尹何如飛牋見問恭惟某
官名父之子克世其家學裘之功已深寧能無譜
製錦之技既敏會即策勳某自笑龍鍾寧堪鳩僇
空憐往日識野鶴於未仙猶幸殘年見名駒之汗血

代回麗水張宰 元渙

西崦投閑冒誤恩之起廢南鄰借潤駢好語以嘘
枯返璧未能報瓊何有恭惟某官人門秀整地望
高華鳧未來京花已開於滿縣蝗不入境麥自熟
於兩岐行用最聞即膺世選某髮真種種心已休
休懼方命之見誅聊強顏而入侍不能者止更數
月以乞歸倘疾其驅或一面而後去

代回常寧曹宰 輔世

老夫耄矣誤隨弓旌之招令尹何如更加錦綉之
贈寘慙無所懷感有之恭惟某官抱挾長材踐揚
撫仕裝驥足於百里料亦賢勞缺鹿鳴之三章猶
稽改秩權勢逼迫無患有司不公政化流聞惟善
能舉其類蠖伸於屈鵬怒則飛姑安種秫之期以
俟及瓜之代某儀圖莫助有味薦賢借聽於龍耳

三四十六
道於盲莫報勤渠之意加膏而光養根而實更伸
頌禱之私

代回興寧廖宰

柳

飛鴻踏雪談舊事以無人烹鯉得書喜故人之有
子因之喚夢何以報嘉恭惟某官父教之忠世濟
其美早回翔於簿領似屈鸞棲稍劃決於糾曹諒
多鸚薦頤動鳴絃之興欲明製錦之材會觀棠蔭
之成亟騰善最雖在梅花之外必有賞音某夕陽
在山浮雲出岫咫尺之間乃蒙篋笥之不遺千里
所期願以民社而日愛

回家知縣

午仲

妻生日

某不腆糟糠值此瓦礫之旦何勤翰墨燁然黼黻
之詞調固仰於弥高歌亦慙於不類同我婦而饁
南畝但切懷歸跂彼女之織七襄竟成匪報

回新西水勾龍知縣

僮僕來迎知己返柴桑之里舍館未定無敢過干
木之間敢圖將進趨趨之間竟蒙先垂特達之願
恭惟某官蜀都秀望漢殿巍科跨躡健犴良鬱康
莊之驥步鞭笞鸞鳳久棲官舍之燕巢茲聞西水
之鳴琴行趨東風之叱馭劔門天下壯諒皆收檻

於曾中閬州城南稀更合包羅於筆下藉未召卓
茂於密令會有言苟變於衛侯某茲戍雲邊在公
宇下置漢陽之璫方當求聽於鯁言種河陽之花
又恐亟飛於鳧鳥

回新榮德王知縣

子勉

倦甚衰翁已作歸歟之計取具哉令尹甫聞至止之
音有勤屬辭良高陳誼恭惟某官才優世濟學富
家傳頌聖主之得賢遙遙風烈移忠臣而為孝挺
挺雲仍若為牛刀之割雞更欲蟻封而試馬三榮
之強名郡縣并有仁焉兩年之括利錙銖泉之竭
矣或恐一雞之損尚俟雙鳧之來幸疾華鑣以別
利器某峭嶇一障坎壈兩春秋水落霞已決尋盟
於鷗鷺春雷奮地尚觀運化之魚龍

回王知縣

應百

求士為國輒剡牘於公車博我以文敢收恩於私
室一謙厚甚三復悚然恭惟某官學問淵深器能
凝遠揚雄有河東之賦吹噓宜上於九天溫造空
冀北之羣羅致敢違於三月茲表一鵠聊助雙鳧
何勤四六之貽更致再三之謝某推轂有味引鼎
不程諸侯薦人與之諸侯安敢自必於天子國士

遇我報以國士所祈自拔於衆人

回遂寧青石席知縣

伏以十年一別謂已造於荀班萬里重來胡尚淹
於花縣遠勤一介見異雙鱗恭惟某官政地名家
祖風餘韻故國之非喬木將在蘭孫大厦之無弃
材寧遺杞梓碩限七階之選復疇百里之庸會由
晉興徑登魏闕某去此十暑依然一寒不虞再辱
於陶甄俾守三榮之保障紙書賢於十部過勤聯
璧之牋雖則七襄終愧雙金之報

回盤石李知縣

一麾假守獲託鄭鄉十部貽書過勤郇翰愧先施
之不敏仰厚意以安窮恭惟某官唐太白之家蜀
仲元之孤麟爲聖人出也亦旣在郊鳳覽德輝下
之是宜巢閣頌屈一同之尹式騰三異之聲君子
學道愛人亮牛刀之立解縣令承流宣化佇鳧舄
之橫飛某濫號專城適逢竭澤是邦大夫之賢者
何以教之吾黨小子之斐然願有請也

回劔門王知縣

分榮德之麾濫乘一障聞湛恩之闕實冠四封未
遂盍簪猥勤貽翰恭惟某官人門具美天分夙高

此笏乃今甘棠式光龜組故國非謂喬木蓋在象
賢藉魁奇忠信之才守崢嶸崔嵬之險佇交鸚薦
徑作鳧飛某濫剖銅符獲依珂里未見顏色願聞
拔薤之規聊欲弦歌尚迹伐柯之則

回新應靈趙知縣

與佩

瞻五潢之派知敬清流懷百里之章將迎新尹有
勤一介先畀雙鱗恭惟某官大雅不羣小宗繼別
精石渠五經之學豈必秘鴻寶之藏酌玻璃七寶
之盃自合受龍巾之寵乃肯宰山水之縣殆欲聞
絃歌之聲一同驩然三異近只某濫茲試郡幸甚
得朋似聞製錦之刀旣有所試更冀發硎之刃早
疾其驅

回三縣知縣

出幕罔功一星周矣分符非據二火燁然賴有同
官之良或可聯事而治伏惟某官揆才膚敏迪德
浚明學古入官小試子男之國疑民以政共知父
母之心佇交一鷄之章即趣雙鳧之覲某濫茲假
守幸甚為僚共惟帝臣正賴同心之協濟頗哀老
子諒無袖手以旁觀

回資官文知縣

三令七
無嚴諸侯必反之君方養勇與老人期後何也僕
欲踐言比立青紫囊以馳欲易黃皂衣之擾不虞
返旆便自寒盟同僚敢不盡心特開大駟未信以
爲厲己姑示小懲茲望白圭之磨且聽青氈之復
信近於義言可復也已更寬期會之程過而能改
善莫大焉幸無詫催科之拙

回新宜賓黃知縣

楷

恭審榮分蒲壁入觀蘭陔牛刀割雞更溯倒流之
三峽鳳簫駕鶴來寧未老之雙親喜氣先驅歡聲
夾道恭惟某官器資夙敏業履崇茲讀江夏未見

之書盍登東觀講延平相傳之學宜侍西廂若爲
出邾子之城還又宰棘侯之國烏殆思於反哺燕
亦急於歸梁種蒲縣之花聊復尔耳采行潦之藻
其順矣乎付談笑於青油養聲名於丹闕鴻漸于
陸不素飽也正佇來儀鶴鳴在陰其子和之何辭
好爵其蹕蹕老矣蹉跎依然但深吾愛吾廬之思
濫叨我任我輦之役所幸依闈外之制且獲聞庭
下之趨悵銅駝陌上之十年獲金馬坊中之再見
莫懷漫刺驚辱儷箋數面成親况嘗綴葭莩之契
論心道舊所願聞藥石之言忻幸惟深敷荼罔旣

回崇仁趙知縣

鄰扮揄之社聞飛禮樂之英宰松桂之林知報詩
書之政萬里偶馳於蜀道一墨實受於滕仁未皇
馳箋猥辱委翰恭惟某官不羣卓尔無敵飄然熏
南豐之香文章有種樂東平之善性行無瑕摘髭
俯拾於魏科策足宜騰於要路留連栖鳳邂逅飛
鳧當師旅飢饉之餘得賢明慈惠之長佇交鸚表
徑上駕行某弱念易盈老形已具我任我輦誤令
直指以觀風吾愛吾廬但願曲肱而飲水惟是玉
川之破屋仰依蒲邑之茂林易地則然行亦返曾

子之室得人焉耳會當聞言偃之弦

回丹稜范知縣

乙孫

眉州荀監酒

辯之

眉

州李監稅

喆甫

山壘終更已上投閑之請江鄉改牧莫知誤渚之
由方露悃以控辭荷雲牋之委貺恭惟知縣人門
具美天分素高暫紆臺閣之登屈試絃歌之政監
酒典刑茂著學問深醇差池宦路之老成主當糟
丘之醲郁監稅器質疑粹學業端深巍莪名第之
英淹郵征商之權恢恢才刃足立解於千牛整整
華鑣可坐空於萬馬倚公車之交剡即要路之疾

驅其五技已窮再鼓愈淡已乞歸銅陵之磴或許
告還倘共飲玻璃之江尚希愛助

回青神權縣嚴縣丞

百

聞蜀莊之珍幸於既見見韋郇之牘得所未聞報
不成章還若為贄恭惟某官岷峨峙秀江漢濯靈
貢鄉英門率出下風之請以春秋對亟膺上計之
招居然全材屈此贊府有來寄牋於紫袷知既攝
宰於青衣佇奏一同之庸亟登三異之最躡故跡
破崖岸端使然哉馳閭闔入凌兢自此升矣某濫
更治將遂為僚昌黎接後輩之名何為至我藍田

愁羣山之望行又見君

回新神泉史知縣

大川

依芙蓉之幕嘗辱贈言宰松桂之林未皇執訊茲
守鳴珂之里過蒙投璧之光恭惟某官器宇宏深
羊神峻整陽休山立克世金魁之家玉潤冰清近
續符溪之學暫牛刀之小試即鷄表之交飛論坡
穎歐蘇之交既聞耳矣嗣嚴揚陳李之響尚寓目
焉某未果避堂先蒙枉駕拜閔睢五章之貺真盈
耳以洋洋歌白駒一束之詩無遐心而皎皎

回新都史知縣

季温

聞武城之歌未窺半面讀阿房之賦敢斬一言粗
欲無患其不公敢冀有文以相接恭惟某官玉壘
名閥金魁故家文勝質質勝文不難百勝學優仕
仕優學信是兩優戰青袍白紵之中鏗綠綺黃鍾
之韻比見天地人之策本本元元可知果達藝之
材恢恢焯焯漫尔吹河東之賦俾之空冀比之羣
某叨領竹符獲依粉社於我本無怨而無德詎敢
收私室之恩贈行不以頌而以規更願直大庭之
對

梅亭先生四六標準卷之三十三

梅亭先生四六標準卷之三十四

丞

通寧鄉陳縣丞

楷

武功之丞簡靖久矣沐芳臨邑之簿卑棲茲焉假
蔭敢以尺書之敬進於再拜之先恭惟某官遠抱
甚都壯猷孔碩清明志氣曾中風月之無邊沈浸
文章筆下源泉之不擇蓋徑要津之立顧淹贊邑
之留鳳凰自下而升高聊復爾耳鴈鷺鉗左而摘
右端使然哉雙陸之勢無休九萬之程斯下某崎
嶇副墨漫浪勾朱士安得自高妄欲比鄰之託余

方有公事願聞掃溉之吟

回桐廬朱丞 中肖

短啓代庖已忘西施之唐突長牋倒廩尚憐東野
之龍鍾一謙之光三復以愧恭惟某官人門濟美
風調軼羣觀東閣之奇詎當相吏歌南陽之直真
足自強試窺千萬琳琅之毫芒豈以八九雲夢而
芥蒂對藍田千挺之竹肯負丞哉續桐江一絲之
風今召君矣某見賢不敏拜賜何居士廉未識挑
推亟當進謁永叔強差韓愈願勿失言

回華陽李丞 楫

題曲江之名夙嘗託契贊武功之理茲幸爲寮方
有候於中涓乃先勤於下問恭惟某官行無瑕類
李有本原充長吉錦囊之文命騷可僕飽鄴侯牙
籤之讀繼別爲宗胡爲再命之材淹此一同之貳
鴈驚鉗左而摘右端使然哉鳳凰自下而升高將
在此矣某冒嘗險阻全蹈拙踈數同年琴上之星
感舊游之如夢共萬里橋邊之月幸末路之得朋
代回武進陳縣丞 貴成

名家勝士自有公言助國舉賢古無私謝枉長牋
之委重搔短髮以真慚恭惟某官千里名駒九苞

威鳳大科異等一翁二季之相望茂實英聲七略
羣書之兼總謂即登瀛洲而給札猶欲破崖岸而
為文余不負丞丞負余誰其知者李而優仕仕優
李似是兼之無謂我豈要子隣始為人識亦知吾
徒得君重少應時湏所愧明陞之章適引暗投之
惠某三復墨妙十襲珍藏儀圖之莫助之更期進
德匪報也為好也聊復成章

回樂安趙縣丞

彥彬

老驥般躡猶戀天山之秣名駒竒俊適追電影之
鞭幸許論交過勤執訊恭惟某官近於大雅博以

羣書太白詞章宜有六丁之取更生經術豈無太
乙之知不應賜第之餘復作贄公之試鴈鷺平立
未妨破崖岸以為文鸞鳳高翔會即決雲霄而布
武某為寮有舊辱問相先揣弘景之頭顱歸已晚
矣畫嚴丞之手版猶願見之

代回樂安趙縣丞

彥彬

推士轂而及丞味言何有旁使車而從子哦句已
來一謙之光三復以愧恭惟某官諸劉族屬為漢
宗英馳閭闔入凌兢則為宜耳去角牙破崖岸端
使然哉刻三載之陞明愧一言之不知然無華乃

安靜之吏則所美豈輦悅之文有望於君不孤此
意某已成歸計更辱贈言布襪青行纏吾已從此
逝矣珠宮紫貝闕子盍歸而求之

代回樂安趙縣丞

彦於

題藍田之壁君受代以不遙厭承明之廬我治任
兮更迫何勤委翰仍費屬辭恭惟某官以貴王孫
爲名進士巖邑更刀之後非復昔時贊公游刃其
間疑有餘地及瓜近只按茹誰歟敢愉陟明之章
少寓愛助之意某投簪不力曳履胡顏以一身而
備百工暮可已矣總羣書而奏七略子必勉之

回錢塘趙縣丞

彦的

余方有公事鼎來赤縣之官曹我未免鄉人益愧
白頭之幕府有勤執訊敢闕報章恭惟某官卓爾
不羣飄然無敵尋玉清洞中之字已書會計之功
展錢塘江上之圖更動吟哦之興手版暫煩於畫
地觚稜何遠於去天某轍鮒孤蹤磨牛陳迹喜似
人於千里况辱託於粉榆雖異事而同寮尚不遺
於葑菲

回富陽趙縣丞

光祖

倚使者之車笑癡兒之未了題丞其之壁聞公子

之鼎來未果修辭先勤執訊恭惟某官五漢龍種
千里駒材早宣采棒之威坐獲綠林之賞鴈鷺籍
行而平立端使然哉鳳凰自下而升高恐不免耳
某強名入幕正愧面墻赤縣官曹喜依仁之有幸
黃塵衣帽或分蔭之自今

回益陽李縣丞

江西之有宗派昔已論交湘水之逢故人今將聯
事尺紙良勞於遺遠白頭何至於如新恭惟某官
翰墨勝流典刑前輩人言短李釣竿已負於珊瑚
天遣長庚霞佩正垂於金薤謂進參於諸老願退
貳於一邦籍尾無辭需頭有薦不東春秋於五傳
訪離騷之一經士安得自高政以比鄰之請余方
有公事願聞掃溉之吟

代回麗水童知丞堦

考陟明之績輒剡需章屬比事之辭遽鳴謙德於
禮爲過此意則勤恭惟某官文獻故家詩書宿好
彼不即汝而汝即彼旣執蝮蛇余不負丞而丞負
余寧問鴈鷺烏何關於屋上黔固詠於邑中時而
颺之聊復爾耳某有二宜去以兆足行幸能其官
亦有無窮之聞仕優則李願叔可夫之功

代回宣仁張縣丞

曼德

升陟一章何能借重謙勤尺牘又復拜嘉其文固是粲然此禮略之可也恭惟某官清餘家法敏有吏材翠竹深林久已觀於停峙老槐古縣茲良費於吟哦無俟書來亦當剡入未見分毫之補又勤四六之貽某辭璧未能報瓊又乏樓臺近水柰何秋月之闌干桃李成蹊佇見春風之披拂

代回宣城張縣丞

曼德

厭承明之廬我動歸歟之興題藍田之壁公傳至止之期四六鼎來再三復熟恭惟某官黻纓華秩

簪筆名家再轉為丞坐閱十年之久一鼓作氣會搏万里之程願嗇龍文虎脊之精神靜聽蟲臂鼠肝之造化某自知日薄豈可夜行疲馬之恋君軒已將告老騎驢之到京國猶及語離

代回海鹽梁丞

成章

五雉分工近承誤渥雙魚尺素遠認故情恭惟某官拾芥有年哦松何晚翦伐誰能送只令志士之嗟精悍無所聞正自可人之意猶借齒牙之餘論見華喉舌之納言某似是水曹已承天寵告者過也想以為司馬之官行或使之惟當返屠

回崇仁朱丞况

文昌之座高華偶然序進武功之官簡靖亦以書
來所愧陳人有慚善頌恭惟某官天葩吐藻地芥
決科鸞鳳高翔時來則爲之耳雁鴛平立丞豈端
使然哉似聞臺府之見知又欲改歌而相試解牛
既效薦鷄何疑某司臬無庸儻功有命老夫耄矣
恐孤喉舌之納言曷月歸哉猶借齒牙之餘論

回彰明黃縣丞

百

老我蹒跚甘一麾之出守故人嗟何踏甫再轉而爲
丞馳情室迹而人遐示問禮踰三行情過恭惟某官

金華一派玉井雙流煎瀘川之茶忘酸寒之異味
賦隸道之笋尚冠冕於兩川獨伶曾次書傳之香
方從此中文字之樂薦鶩籍左而摘右端使然哉
鳳凰自下而升高恐不免耳某凄其一別瞠若百
罹立館下招諸生嘆壘鹽之亡味坐堂上稱太守
驚杞菊之已莎方欲求拔筵之規乃聞對哦松之
壁桃李春風一盃酒尚佇來歸風霆劇談九河翻
願安承教

回江原郭縣丞

允并


履履迎門未皇執贄文書銜袖猥沐贈言巾佩焉

謙之光俯深盱豫之悔恭惟某官見聞殫洽意氣
醇明發而中節謂之和見於眉睫粲然有文以相
接示以肺肝所慙先施之未能更資徽言之難受
某欲還鯨錦懼損爾緘雖則七襄終之襜褕之報
藏之十龍永爲篋笥之珍

回新津孫縣丞 庭傑

吟哦公事藍田丞端使然哉觀采風謠益州分故
知之耳有勤迂顧更費屬辭恭惟某官齊子武之
家楚叔敖之胄枕流漱石尚有典刑擲地作金粲
然文采淹回貳令之壁鏗鏘千室之弦有怜并州

之迎已孤竹馬安得祁山之出能辦木牛或錫之
輦願還此笏十鍾一石自昔固病於西南三令五
申須君更教其左右若爲委翰頗似過情某已控
需章句還節傳承夙駕之命弗敢與聞補晚賦之
章願安承教



梅亭先生四六標準卷之三十四



